

PERMBLEDHJE JOTEKNIKE

PRODHIM I KEPUCEVE

(Veprimtari të tjera që përfshijnë përdorimin e solventëve. ID 7.12/O “Prodhimi i këpucëve”, sipas shtojcës 1 të Ligjit 52/2020 “Për disa ndryshime në ligjin nr.10448, datë 14.07.2011, të ndryshuar”)

SUBJEKTI: MUSAJ – Z shpk

NIPT: L83310404C

ADMINISTRATORI: BLEDAR VELI

VENDODHJA: Rruga e “Kriptallareve”, Zona Kadastrale 1567, Dukas, Patos, Qarku Fier.

1. PERSHKRIMI I PROJEKTIT

Subjekti “**MUSAJ-Z**” Sh.p.k, me NIPT: L83310404C, administrator Bledar Veli , është regjistruar në QKB për ushtrimin e veprimtarisë në fusha të ndryshme ku përfshihet: “*Prodhime konfeksione të ndryshme. Prodhimin e kepuceve sandaleve, çizmeve, cantave apo dhe të pjeseve dhe aksesoreve të vecanta të tyre duke përfshirë prodhim tapicerie dhe prodhime të materialeve lekurose plastike që kanë për baze industrinë e lekures. Organizimin e kurseve për aftësimin profesional në prodhimin e konfeksioneve në pergjithësi. Import - eksport dhe tregtim me shumice e pakice të mallrave të ndryshme industriale, ushqimore elektronike, materiale ndertimi mobilie të të gjitha llojeve, kancelari, shtypshkrime, etj. Importimin e linjave të prodhimit të materialeve të ndryshme industriale tregtimin si dhe pjesët e kembimit të tyre. Transport kombëtar dhe nderkombëtar të mallrave dhe pasagjereve. Përpunim aktiv. Fasoneri*”.

Për këto aktivitete ky subjekt është pakisur me Leje Mjedisore Tipi C me Nr. identifikimi 94, datë 04.12.2018, për “Veprimtari të tjera që përfshijnë përdorimin e solventëve. ID 7.12/O “Prodhimi i këpucëve”.

Bazuar Ligjit 52/2020 “Për disa ndryshime në ligjin nr.10448, datë 14.07.2011, të ndryshuar”, ky subjekt kërkon të pajiset me Leje tipi B për aktivitetin në fjalë.

Te dhënat e pronës sipas certifikatës së regjistrimit:

- Rruga e “Kriptallareve”, Zona Kadastrale 1567, Dukas, Patos, Qarku Fier

Klasifikimi bazuar në ligjin 10448 datë 14.07.2011, të ndryshuar:

(Veprimtari të tjera që përfshijnë përdorimin e solventëve. ID 7.12/O “Prodhimi i këpucëve”, sipas shtojcës 1 të Ligjit 52/2020 “Për disa ndryshime në ligjin nr.10448, datë 14.07.2011, të ndryshuar”)

Zona është e përzgjedhur për ushtrimin e këtij aktiviteti është e përshtatshme për këtë lloj aktiviteti duke patur përparësitë si:

- Furnizim me ujë;
- Furnizim me energji elektrike;

Objekti është kompletuar me elementët e shërbimeve dhe të sigurisë për personelin dhe klientët. Është përdorur një cilësi punimesh si për ambientin e brendshëm ashtu edhe të jashtëm, është sistemuar në kushte bashkohore ambjenti si jashtë edhe brenda duke përfshirë sipërfaqe të gjelbër, vendparkim për automjetet, godinë shërbimesh për punonjësitë.

Është me ndricim të bollshëm dhe hapsira të konsiderueshme për kryerjen normalisht për këtë veprimtari. Linja e produkteve që kjo shoqëri ofron e fokusuar në një drejtim bën të mundur

realizimin e proceseve më të thjeshta me cilësi jashtëzakonisht të lartë. Të gjitha makineritë janë të teknologjisë më të fundit dhe të avancuara.

Prodhimi i këpucëve përfshihet në veprimtarinë e subjektit dhe i përputhet veprimtarisë për të cilën është krijuar dhe zhvillimin veprimtarinë e saj. Procesi i prodhimit ka bazë lëndën e parë e cila vjen nga importi lëkurën dhe aksesorët e tjerë pa process përpunimi kimik. Lënda e parë vjen nga importi i cili më pas kalon doganën shqiptare, e shoqëruar me certifikatë origjinale për secilin produkt. Të gjitha proceset për prodhimin e këpucëve realizohen nga makineri bashkohore të cilat nuk sjellin ndotje për mjedisin.

Procesi teknologjikë për të prodhuar përduktin përfundimtarë kalon në disa etapa. Pasi bëhet furnizimi me lëndë të parë , malli dërgohet në sallën e zhvillimit të aktivitetit , ku më pas bëhet verifikimi i mallit me faturat.

Linja e prodhimit konsiston në repartet si:

- Reparti i prestarisë
- Reparti i shkajimit
- Reaparti i qepjes
- Paketimi

Reparti i prestarisë

Lëkura është materiali më i kushtueshëm dhe që shfrytëzohet më shumë nga të gjitha materialet e tjera të përbërësve të këpucës.

a) Ndarja e lëkurës bëhet në tre cilësi (kjo edhe në varësi të klientelës).

b) Përgatiten boletat bashkë me urdhërat përkatës të shoqëruara me sasinë e lëkurës sipas konsumit të paraqitur në boletë dhe në skedën teknike.

c) Për të evituar problemet me konsumin e lëkurës , punëtorët e kualifikuar me anë të fustelave presin lëkurën më cilësore, ndërsa punëtorët më pak të kualifikuar presin lëkurën me cilësi më të dobët. Fustelat vendosen në një pllakë plastike ku më parë është pozicionuar lënda e parë për tu prerë. Ato pozicionohen në bazë të një skeme të saktë që quhet skema e prerjes. Kjo skemë është ndërtuar në mënyrë të tillë që të bëjë të mundur shfrytëzimin maksimal të sipërfaqes që do të pritet.

Reparti i shkajimit

Pas përfundimit të procesit të parë në repartin e pastarisë, kalohet në repartin e shkajimit ku shkajohet lëkura. Me shkajim të lëkurës kuptohet barazimi i saj domethënë sheshimi në një nivel i të gjitha pjesëve të lëkurës me anë të makinerive.

Reparti i qepjes

Mbasi janë prerë faqet e këpucëve nga reparti i prestarisë ato kalojnë në repartin e tretë, atë të qepjes për të krijuar artikullin përkatës sipas porosisë së klientit.

Në këtë aktivitet nuk ka proces montimi. Ka raste që lëkura vjen e prerë nga Italia ose në raste të tjera bëhet prerja në objekt. Subjekti përdor dhe ngjitësit të cilat janë ato substanca ose produkte që kanë vetitë lidhëse dhe bashkuese të dy sipërfaqeve.

Paketimi

Pas përfundimit të proceseve të prerjes dhe qepjes së suprinave këpucët paketohen dhe dërgohen në ne destinacionin e kërkuar.

D. INSTALIMI DHE AKTIVITETET E TIJ

Veprimtari të tjera që përfshijnë përdorimin e solventëve, ID 7.12.o. “Prodhimi i këpucëve”. Konsumimi i solventëve është më i madh se 5 ton/vit. Kapaciteti kufi Leje Mjedisi Tipi B.

IDENTIFIKIMI I NDIKIMEVE NË MJEDIS DHE MASAT PËR MINIMIZIMIN E TYRE

Mjedisi është gjithmonë i prekur nga veprimtaritë e ndryshme që ushtrohen në të, por ndikimi mund të jetë i ndryshëm, kjo është e lidhur ngushtë me vetë llojin e veprimtarisë e cila mund të ketë impakt të drejtpërdrejtë, të tërthortë, të rëndësishëm apo mesatar i pranueshëm.

Një nga objektivat e këtij raporti është identifikimi i ndikimeve të mundshme që mund të shkaktohen në mjedis nga ky aktivitet në tërësi. Identifikimi i ndikimeve të mundshme në mjedisin e kësaj zone do të vlerësohen në njërin prej fazave kryesore; faza e operimit, pasi aktiviteti është ekzistues dhe ndikimi në mjedis do të jetë vetëm gjatë ushtrimit të aktivitetit. Nuk marrin në konsideratë fazën pas përfundimit të veprimtarisë pasi ky aktivitet do të vazhdojë i tillë dhe pas shumë kohësh. Disa prej ndikimeve kryesore që janë vlerësuar si të mundshme janë paraqitur si më poshtë.

Efektet e mundshme nga aktiviteti që ushtrohet do të vlerësohen në mënyrë të përgjithshme në kërkesën për leje mjedisi Tipi B.

Impakti në mjedis

Cilësia e ajrit

Ndikimet kryesore në këtë fazë mund të vijnë nga pajisjet operuese gjatë procesit të punës. Kjo nga vënia në punë e pajisjeve të punës si: makineritë prerëse dhe ato qepëse emetohen gaze të pakta në ajër në ambientet e brendshme të kësaj fabrike, edhe pse këto emetime janë në nivele të papërfillshme për të shmangur dëmtimet që mund të shkaktohen në aparatet e frymëmarrjes së personave që janë të punësuar aty, është vendosur sistem ventilimi.

Zhurmat dhe vibrimet

Zhurmat që prodhohen vijnë kryesisht nga proceset e punës që kryhen në këtë aktivitet, nga makinat qepëse. Këto zhurma janë të ndjeshme vetëm në brendësi të reparitit. Niveli është i tillë që

nuk dëgjohej në ambientet e jashtme të kabanonit. Niveli i zhurmës nuk është problematik as në ambientet e brendshme, punonjësit nëse duan mund të përdorin mjetet mbrojtëse për shqisat e dëgjimit (për këtë subjekti duhet të kryejë një testim nga laboratorë të akredituar).

Mbetjet

Gjatë zhvillimit të aktivitetit të subjektit gjenerohen mbetje :

1) Mbetje që dalin nga veprimtaria e zhvilluar të cilat fillimisht cohen në doganë për rakordim dhe më pas në landfill.

2) Mbetje urbane nga aktiviteti human të cilat grumbullohen dhe hidhen në kontenierët e mbetjeve urbane të zonës.

Ato nuk përbëjnë rrezik për ndotjen e tokës apo të mjedisit ku hidhen dhe për këtë arsye konsiderohen mbetje te parrezikshme.

Shkarkime në ujë

Ky aktivitet nuk përdor ujin gjatë proceseve të punës. Nuk ka shkarkimetë ujërave teknologjike në mjedisin përreth. Mund të përmendim vetëm ujërat higjienosanitare të ambienteve të tualeteve dhe të larjes e pastrimit të ambienteve të punës. Këto ujëra shkarkohen në sistemin e kanalizimeve të zonës.

Ndikimi në tokë

Proceset e punës nuk ndikojnë në tokë për shkak të ambienteve të përshtatshme e bashkëkohore, kabanone të mbuluara, të shtruara me pllaka.

Masat që duhen konsideruar për të minimizuar ndikimin në mjedis janë :

- Duhet të tregohet kujdes në respektimin rigoroz të kushteve teknike në fabrikë për të reduktuar mundësitë e rënies së zjarrit në objekt dhe avaritë në sistem duke shmangur kështu dëmtimet në mjedisin e zonës përreth.
- Lidhur me mbetjet e grumbulluara duhet që shoqëria të bëjë trajtimin e herëpashershëm të tyre që mos të grumbullohen për periudha të gjata kohore në ambientet e brendshme të fabrikës.
- Sasia depozituese e mbetjeve të mos i kalojë volumet e parashikuara në mënyrë që situata të jetë e kontrollueshme dhe të mos dëmtoj instalimin.
- Të zbatohet projekti i mbrojtjes nga zjarri në mënyrë që të minimizohen rreziqet për jetën e punonjësve dhe mjedisin përreth.
- Punonjësit të jenë të trajnuar paraprakisht dhe të jenë vazhdimisht në mbikqyrjen e drejtuesit teknik gjatë proceseve të punës. Punimet e mirëmbajtjes të kryhen në përputhje me kushtet teknike të punës.
- Të mirëmbahet brezi i pemëve përgjatë murit rrethues të pronës, në mënyrë që të reduktoj impaktin në peisazh.

Masa të tjera lehtësuese ,për funksionimin eficient dhe të sigurtë të punës në aktivitetin e furnizimit për mbushje gazi dhe karburant:

- Të kujdeset për mbarëvajtjen e aktivitetit, si dhe punonjësitë që punojnë nën mbikëqyrjen e drejtuesit teknik.
- Të rehabilitohen ambjentet e jashtme të aktivitetit për një mjedis të pastër dhe sa më estetik.
- Të mirëmbahen mjediset e gjelbëruara në mënyrë të përhershme dhe të mbillen edhe bimë dekorative autoktone në kushte artificiale për të rritur koeficientin e gjelbërimit.
- Të vendosen kontenier për mbajtjen pastër të ambjenteve nga mbetjet urbane për numrin e punonjësve.
- Investitori të respektojë detyrimet e vendosura në Lejen Mjedisore që do të miratohen nga AKM.
- Subjekti të respektojë të gjitha masat/normat/planet/shkarkimet e deklaruara në këtë Formularë-Kërkesë për Leje Mjedisore Tipi B
- Subjekti të jetë në dijeni dhe të azhornohet për kuadrin ligjor për mjedisin dhe ndryshimeve të tij.
- Subjekti të respektojë dhe zbatojë kushtet teknike në objekt për mbrojtjen nga zjarri dhe të krijoj infrastrukturën e nevojshme për zjarrëfikset.

DEKLARATË

Duke nënshkruar këtë deklaratë, në përputhje me dispozitat e Ligjit “Për Mbrojtjen e Mjedisit”, ligjit “Per lejet e mjedisit” dhe akteve nënligjore përkatëse unë paraqes kërkesën për leje mjedisi/ rishikimin e lejes së mjedisit.

Konfirmoj që informacioni i dhënë në këtë kërkesë është i vërtetë, i saktë dhe i plotë.

Unë nuk kam vërejtje lidhur me bërjen publike të kësaj Kërkese , për aq sa nuk bie ndesh me parashikimet e legjislacionit në fuqi për mbrojtjen e të dhënave personale dhe konfidencialitetin e të dhënave tregtare.

Emri i nënshkruesit: Bledar Veli

Pozicioni brenda Kompanisë: Administrator